

Stefnumótun

Fjölmenningarstefna skóla

Undanfarna mánuði hefur verið unnið að mótun fjölmenningarstefnu í skólum sveitarfélagsins. Vinna við stefnuna er á lokasprettinum en bæði hefur verið unnið að henni í grunnskólanum og leikskólanum. Félagsmiðstöðin og íþróttá – og æksulýðssvið munu einnig koma að mótun stefnunnar. Vonandi verður fjölmenningarstefnan tilbúin og samþykkt snemma á nýju ári en ekki er vanþörf á að allir sem vinna með börnum í sveitarfélaginu skoði þessi mál þar sem nemendum og börnum af erlendum uppruna hefur fjölgað umtalsvert í sveitarfélaginu og nauðsynlegt að mæta ólíkum þörfum allra barna og bjóða þeim upp á fyrsta flokks menntun.



Læsisstefna í grunnskólanum

Snemma á næsta ári verður farið í gerð læsisstefnu í grunnskólanum. Þá verða dregnar og skýrðar línur um helstu áherslur í læsi og lestrarkennslu frá upphafi grunnskólagöngu og þar til henni lýkur. Aðaláherslan verður á að samfella myndist í náminu og að unnið verði með viðurkenndar aðferðir sem skila árangri. Verkefnastjóri vinnunar verður Magnea Helgadóttir en Bergljót Vilhelmina Jónsdóttir er sérfræðingur hópsins en hún hefur sérhæft sig í lestrarfræðum. Í hópnum sitja einnig fulltrúar kennara á mismunandi stigum.

Leikskólar



Lóðin á Krílakoti

Í sumar var farið í fyrsta áfanga uppbyggingar lóðarinnar við Krílakot. Georg Hollander, handverksmaður og leikfangasmiður, var fenginn til að útfæra verkið og gerði það á mjög skemmtilegan og náttúrulegan hátt. Hann lagði áherslu á að nota lífrænan efnivið, t.d. lerki úr Kjarnaskógi, endumýtingu og fleira sem ýtir undir sjálfbærni. Foreldrar leikskólabarna á Krílakoti komu að verkinu og unnu með Georg. Vegna aðkomu þeirra er ljóst að verkinu verður lokið næsta sumar en ekki sumarið 2013 eins og áætlað var og eiga foreldrar skilið bestu þakkir fyrir framlag sitt.

Færanlega kennslustofan á Kátakoti

Síðastliðið sumar var bætt við auknu húsrými á Kátakoti, færanlegri kennslustofu. Það var gert til að mæta auknum barnafjölda þegar fjölmennir árgangar koma í leikskólann en með því móti er hægt að bjóða talsvert fleiri börnum leikskólanám en verið hefur hingað til. Nýja rýmið er bjart og snyrtilegt og hefur þegar verið tekið í notkun.

Við óskum þúum sveitarfélagsins gleðilegra jóla,
gæfuðra ára og þökkum samokiptin á liðnum árum.

Hildur Ösp Sykkadóttir

Helga Björt Møller



Fréttabréf Fræðslusviðs Dalvíkurbyggðar



3. TBL.
DES 2011
ÁBYRGÐ: HILDUR ÖSP/HELGA BJÖRT



Í uppbyggingarstefnunni reynum við að temja okkur ákveðið orðalag. Dæmi um lykilsurningar eru:

- ♦ Hvað ertu að gera?
- ♦ Hvað er í gangi?
- ♦ Hvað gerðist?
- ♦ Hver er reglan?
- ♦ Hvað finnst þér um það?
- ♦ Hvernig liður þér með það?
 - ♦ Virkar það?
- ♦ Hvað ætlar þú að gera í því?
- ♦ Hvernig ógnaði þetta þér?

Framþróun

Skólamál í Árskógi

Síðustu mánuði hefur farið fram vinna varðandi breytingar á skólahaldi í Árskógi. Starfshópur skipaður fulltrúum úr Árskógsskóla, Leikbæ, fræðsluviði, fræðsluráði og umhverfissviði skilaði af sér tillögum á þá leið að leggja báða skólana í Árskógi niður og stofna nýjan skóla ætlaðan nemendum frá upphafi leikskólastígs og út 7. bekk grunnskóla. Áður verður farið í talsverðar breytingar á skólahúsnæði Árskógsskóla þannig að hægt sé að rúma alla nemendur nýja skólans í því húsnæði. Tillögurnar voru samþykktar af fræðsluráði og eru nú í afgreiðslu í bæjarstjórn.

Þegar hefur verið auglýst eftir skólastjóra hins nýja skóla en gert er ráð fyrir að skólinn taki til starfa haustið 2012. Það er von vinnuhópsins að breytingamar verði lyftistöng fyrir skólahald í Árskógi og muni nýtast öllum íbúum sveitarfélagsins þar sem hægt verði að bjóða nemendum og foreldrum þeirra upp á frekara val um metnaðarfulla, ólíka skóla. Hægt er að skoða ýmislegt frá vinnu starfshópsins á heimasíðu Dalvíkurbyggðar.

Grænfaninn - Leikbær flaggar



Þá er komið að því að fyrsti skólinn í sveitarfélaginu nær að uppfylla skilyrði Grænfanans og flagga fánanum. Leikbær hefur skilað skýrslu til Landverndar sem gerði í kjölfarið úttekt á leikskólanum. Niðurstaðan var sú að Leikbær er tilbúinn til að flagga fánanum og stefnt er að því að draga hann á stöng mars ☺

Aðrir leik- og grunnskólar sveitarfélagsins munu sækja um fánann á næstu mánuðum en flestir þeirra eru á lokasperttinum í vinnunni „Skóli á grænni grein“. Krílakot stefnir á að flagga eftir sveitarferðina 24. maí næstkomandi, hinir skólarnir eru ekki búnir að ákveða dagsetningar en stefna á vorið.



Ýmislegt

Skólanámskrár

Síðastliðin tvö ár hefur mikil vinna farið fram í skólum sveitarfélagsins við að útbúa gildar skólanámskrár fyrir alla skólana en samkvæmt lögum og reglugerðum skal hver skóli eiga skólanámskrá sem starfsfólk skólans starfar eftir og ytra eftirlit byggir á. Ný skólanámskrá Krílakots var samþykkt fyrir um ári síðan, skólanámskrá Tónlistarskóla Dalvíkurbyggðar nú á haustdögum, skólanámskrá Kátakots í október og skólanámskrá Leikbæjar er í yfirllestri hjá fræðsluráði eins og er. Vinna við skólanámskrá Grunnskóla Dalvíkurbyggðar er á lokasperttinum og verður lokaútgáfa hennar lögð fyrir fræðsluráð í janúar næstkomandi til samþykktar. Það má því segja að mikilvægt markmið í fræðslumálum sveitarfélagsins sé að nást.



Skólamötuneyti — úttekt

Nýverið var gerður samningur við matsfyrirtækið Síni um reglulegar úttektir á skólamötuneyti verkta. Ein úttekt hefur þegar farið fram en úttektaraðili kom fyrirvaralaust og tók út mötuneytið og matinn þann daginn. Hann skilaði síðan skýrslu um úttektina til stjórnenda skóla sem fá mat úr mötuneytinu og kom með tillögur um úrbætur ef þurfa þótti. Fleiri úttektir eru á döfunni varðandi aðstöðu verkta, hráefni, eldun og matinn.

Ráðningar

Nýjir stjórnendur á árinu

Á árinu 2011 hafa verið nokkrar mannbreytingar í stjórnun á fræðslu- og menningarsviði. Nýr deildarstjóri tók til starfa í grunnskólanum, nýr aðstoðarleikskólastjóri á Kátakoti, nýr skólastjóri á Krílakoti, ráðinn var deildarstjóri við tónlistarskólann, nýr verkefnastjóri í félagsmiðstöðinni og nýr íþrótt- og æskulýðsfulltrúi var ráðinn hjá sveitarfélaginu og mun hefja störf á nýju ári.

Sveitarfélagið fagnar því að fá þessa nýju, frambærilegu stjórnendur til starfa en þakkar jafnframt fráfarandi stjórnendum kærlega fyrir störf síðustu ára og óskar þeim vel farnaðar í framtíðinni.



Steinunn Guðnadóttir,
Aðstoðarleikskólastjóri
á Kátakoti



Magnús Sigurjón
Guðmundsson,
verkefnastjóri
félagsmiðstöðvarinnar



Ármann Einarsson,
deildarstjóri í
Tónlistarskólanum.



Árni Jónsson,
íþrótt- og æskulýðs
fulltrúi



Drífa
Þórarínsdóttir,
leikskólastjóri á
Krílakoti



Katrín Fjöla Guðmundsdóttir,
deildarstjóri yngsta stígs
Grunnskóla Dalvíkurbyggðar